

列女

一 易基乾坤詩首闢維書稱懿降夫婦之道人倫之始閨
一 房貞順家道以成闔德不綦重歟自劉向著列女傳南
一 豐叙其意二妃而降名姝淑媛班班可考願閨門之行
一 齋隱難彰烏頭棹楔或有不及表揚者採風問俗尤宜
一 加意焉高平山川融結士女胥知重廉恥敦孝慈幅幘
一 百里巾幘中不乏媿行人物之後悉詳著之所以顯微
一 闡絜昭風化之原亦猶古人指訓也志列女

元張珊妻曹氏年十九珊亡遺孤甫週歲姑先有贅婿李

高平縣志

卷之十五

列女

一 姓者利其所有陰與其妻謀鳩兒以絕曹望曹心動乃
一 寄兒母家憚憚孑立恪盡婦道以慰其姑凡五十年所
一 值李姓者死兒克成立壽九十終奏聞旌表

張國用妻許氏年二十二夫亡誓守奉姑泰定三年詔旌
表又有段傑妻姬氏李鳳妻王氏王平妻張氏俱以貞
節著縣尹郭質奏聞並膺旌表

明張友讓妻王氏年十九歸讓閨十年讓死苦守不移資
女紅奉姑教子足不踰閭弗與宴會終始以禮六十八
終

李紹妻祁氏年二十三詔亡以死自誓舅姑欲奪其志氏

堅持不二內外稱之

王子章妻李氏章死氏欲殉未果備兵亂携七歲兒脩歷艱辛歷四十年晚節愈勵

邵深妻璩氏年二十深死端潔自守資織紝以供朝夕有巨姓擇造墓其賢欲致之不為動守志以歿墓產紫芝二本縣令劉鳳池有詩

邢琰妻李氏琰早死貧甚親黨諷以別醮氏曰姑在孰與為養矢死靡他竭力奉姑終老氏亦壽七十有八

生員陳鳳妻李氏明經陳輔母夫亡子幼家貧守志倚紡織為命教子成立官漢陰知縣以上俱成化七年旌表

高平縣志

卷之十五

列女

二

李女幼受教先母未及笄往滇不歸女誓不改適尋以禮一歸尙門專姑篤孝洗竟客死典衣歸托所親昇骸骨歸二為同棺之穴而厝苦守六十年卒嘉靖間邑令傅思明表其行立祠祀之

潘文明母王氏年二十餘夫死誓從死自經室中族黨解救得不死勉其養親撫子氏疆起支門戶家貧織紝供甘旨翁姑以壽終四孤成立文明有聲庠序萬歷間旌表邑人劉虞夔序之

廩生郭峻妻田氏夫死年二十七欲殉夫父勉其忍死撫孤姑妬恃將奪其志氏以死自矢子紹芳娶申氏貴家

方尚盡婦道食貧作苦孝養孀姑生子東同年六十九將終曰郭氏四十年一綫之緒得以不絕幸遇賢婦產佳兒吾良人目瞑矣一門節孝至今傳之

法志拾遺

邢光裕妻郜氏裕負矢戍邊竟裹馬革氏典衣取屍歸殯畢卽縊柩前二女從死有司上聞建坊旌表曰乾坤正氣

牛學孔妻張氏孔疾篤以百金付張曰爲爾後日計氏自忖脫不幸有死而已金何爲夫竟死氏投縲柩前事聞與郜氏同旌

龐賜妻陳氏苦節四十餘年萬歷壬寅詔表其閭復丁二

高平縣志

卷之十五

列女

三

人邑人馮養志志其墓

舉人邢國庶繼妻趙氏適邢一載而寡年十九姑垂白前一妻二子待哺氏食貧勵節奉姑終身教子成立奉詔旌表

張朝相妻李氏年十八夫死子二艱虞萬狀迄於成立長子嘉祥娶李氏次子嘉瑞娶賈氏後兄弟相繼死一姑二媳誓共守節俱以垂白終

宮詹劉虞夔妾畢氏年三十一夔卒撫嫡子元徵於襁褓禦侮全孤歷三十年不渝元徵以胄子官部郎疏請旌表

牛天賜妻梁氏進士牛繼元母年二十九而寡性戇直不苟言笑苦節四十餘年受賜封依然寒素建坊旌表

李經邦繼妻王氏夫歿氏年十七撫前子婚娶成家子婦俱殞又撫孤孫荼苦五十年院道優獎

馮坤妻田氏夫亡年二十五家貧以磨麵爲業茹苦三十餘年院道表閭

李時漸妻張氏漸素貧歿無以殮氏百計營辦後以女工度日教子藻成名院道表其閭

姬佩林妻郭氏年二十生子甫三日而林歿氏矢志撫孤子國澤官黃州知事投牒終養縣請院道表其門

高平縣志

卷之十五

列女

四

廩生牛星妻薛氏星亡年二十二勤儉持家布衣糲食以撫孤爲事守節五十餘年子孫成立院道表之

李嘉言妻張氏十九喪夫遺孤數月義兄欲以爲利氏截髮自誓勤女工撫幼子垂五十年子春躍補增生院道表其閭

郭守恩妻孟氏年十九恩故撫孤成立守節終身院道旌表

趙金妻李氏金客死氏年二十聞訃哀痛托所親携視歸拮据營葬姑性嚴氏曲盡孝謹守節四十年院道旌表
常太妻張氏夫亡氏年二十四翁姑垂白子方強祿或勸

其改適氏曰老幼將誰依倚耶誓不從改適旌表

郭思恭妻關氏年二十恭亡氏方有娠舅姑衰老氏朝夕奉侍既生子悉心撫養守節四十年院道旌表

李大勳妻王氏年二十四夫死孝親撫孤五十餘載院道旌其閭

郭治禮妻畢氏年二十二夫亡守節四十年門庭闐寂院道旌其門

何春妻王氏春亡氏年二十七閨門嚴整足不履外笑不見齒守節四十年旌表

張孟秋妻李氏年十九秋亡困苦食貧四十餘年未嘗怨

高平縣志

卷之十五

列女

五

悔

郝慶妻李氏夫亡年二十三撫週歲孤日夜兢兢及長猶不少弛其願復守節數十年州縣屢加旌表

李佩妻朱氏佩亡氏年十九守節四十四年撫孤成立學使表之

牛漢妻苗氏年十九漢亡守節四十餘年長齋繡佛粗糲終身院道旌表

秦自立妻李氏年少孀居撫孤得子卒能成立邑令上其事歲給粟三石子振英優免差役

韓希愛妻王氏夫亡年二十二事姑撫孤子以慈孝開院道

豐加心表

馮四端妻秦氏夫亡年二十二撫孤應元娶牛氏元亦早
歿牛年十九姑媳守貞撫孤孫昌祚成立有司旌表

李澹澤妻田氏年少夫亡撫育二子棠繼棠緒先後入泮
有司屢給匾旌之

吳守志妻劉氏夫亡苦節勤儉保家州守每加旌獎

國朝監生李棠繼妻田氏己丑夏賊人張斗光劫掠
亂東莊煤窰賊薰攻甚急窰陷被執氏罵曰吾以名門
女適名門豈從汝賊賊露刃脇之罵愈厲立斃刃下時
從賊者無不愧歎

高平縣志

卷之十五

列女

六

攀桂妻張氏年十六夫亡撫兩月子積成立茶苦備嘗
閱年八十一奉文立石

生員趙建紀妻王氏年二十五夫死投繯以死遺一女茹
願士林哀之

孝子袁潔母朱氏十八守節八十告終潔廬墓處縣令奉
文立石志之

趙之秀妻程氏年十九夫死姑以家貧氏幼珥令改適氏
給以服除及期姑設計携往女家道逢數人目注氏氏
覺謂姑曰已被細看往女家爲別姑獨歸未至家長
號一痛繼夫塚傍時年二十一

張璉妻王氏幼入情恃育於嫂年十六歸璉璉亦少孤依舅氏以居氏始婉順從越十載璉遭疾篤孀婦少無依氏泣曰君脫不諱我豈獨生耶及璉卒於茲氏竟自經死前令梅爲作張烈婦傳

庠生李德恒妻秦氏年十六適德恒孝敬有婦德越十三載夫病革氏泣語曰君無爲我念我必以死殉戒不可恒卒既殯氏以頭觸棺幾死家人守之會翁痛子傷懷憑棺大慟舉家奔勸氏乘間自刎死氏兄訟之官凡六閱月讞平始殯形容不毀面色如生

庠生李業偉妻田氏年二十三夫死事姑教子潔清自守

高平縣志

卷之十五

列女

七

非至戚不敢入其室學使給扁旌之

李彪妻王氏年三十撫有四子夫亡欲從地下姑曰旣爲彪也妻宜爲子也母不爲子也母愧爲彪也妻氏感泣守貞五十年四子皆成立邑令表其閭

李永欽妻楊氏欽亡氏年二十三家貧遺子焜幼稚勤紡績以教育孤兒焜亦能承母志壯歲舉於鄉學使給匾旌獎

陳尙志妻李氏年十七夫亡無子女孝養孀姑五十年如一日喪葬盡禮有司旌表其門

陳紀妻李氏年十九生子方六月紀亡氏屏跡毀容奉

翁姑教養稚子守節四十二年世令旌表

胡璣妻常氏年二十七而寡遺孤曦甫數歲俯仰無依氏勤苦奉老翁教子成立邑令表其閭

庠生楊上林妻秦氏年二十八夫亡無子翁姑老竭誠奉

養翁病衣不解帶者三載閱十年始立繼嗣氏苦守教育名列膠庠縣令梅學使劉給匾旌獎年七十八卒

緱獻儒妻張氏年二十一喪夫家奇窮鄰人勸其改適氏甘荼苦矢志不移撫二子成家年六十三卒

陳緒妻李氏緒客死於楚氏年僅二十遣人取夫柩還塋事姑盡孝撫二子成立守節五十年有司詳請旌表

高平縣志

卷之十五

列女

八

武光敏妻王氏夫亡氏年二十五撫遺孤嚴慈並濟課誦孫成名者衆元孫再見九十餘而終學使勵給匾旌之段琬妻吳氏琬病藥罔效氏剖股以進疾遂愈後生子甫三歲琬病死氏引兒置女君鄭氏前不食月餘死督學范匾旌其閭

靳永科妻牛氏夫亡孝事翁姑撫育幼子比子成立復亡與媳共守沒齒無怨鄉黨稱雙節

郭文龍妻王氏年二十九夫亡遺孤五歲教育成立事孝姑侍奉不怠守節四十餘年有司優獎

生道表上旌表秦氏夫亡無子繼姪爲嗣鞠育不異已出

事舅姑處娣姒循循有禮見孫而卒

武寧基妻李氏家貧克盡婦道夫不任事藉氏十指爲生活翁以寧基愚俾爲僧勸氏改適氏聞以履授寧基曰若不復著此履矣潛縊而死聞者莫不哀其志節

靳王前妻李氏夫亡家貧一女相依氏甘心斃獨孝姑撫女不變其志

常煜妻李氏年二十四煜遠遊不歸氏奉姑嫜撫弱子惟憑織衽艱辛萬狀姑亡哭泣遂盲其目苦守五十餘年一夫竟不歸而死邑人公舉請旌

貞女秦氏大陽鎮人許配武廷詔年十六未婚而廷詔死

高平縣志

卷之十五

列女

九

女辭父母奔喪成服奉事翁姑克行婦道公舉請旌

馮翠信妻李氏丁僻村人夫死氏年十七忍死生遺腹子撫育成人苦節四十餘載有司旌獎

王元妻李氏周纂人歸元七載元客死於豫子甫三歲氏自度育子不若從夫遂投繯死

李繼仁母常氏繼仁七歲喪父氏年僅二十餘貧無倚倚紡績灌園撫子成立仁亦孝謹克承母志公舉旌獎

庠生畢多福妻牛氏年二十四多福亡自矢必死家人守勸之啣哀營喪墓乞叔子爲嗣撫育成人年八十老節彌堅學使刻旌其門史溧陽相國爲之序

袁瑾妻杜氏神山里人生一子一女年二十三瑾病篤謂
曰袁氏四世單傳今止此一子再醮幸存袁一脈氏咬
舌出血誓瑾辛氏奉侍自首姑訓子成立有勸其改適
者截髮毀容自矢年六十九卒詳請旌表

生員程六韜繼妻趙氏年未三十六韜卒氏撫前子不啻
所生紡績資生爲子婚娶守節三十年公舉請旌

王國璽妻李氏沙僻人年二十夫亡無嗣苦守養姑繼嗣
承祧貞節三十餘年知縣蔣給匾旌之

生員張鐸妻李氏年二十夫故遺一子氏矢志守節奉翁
姑以孝聞撫孤成室生孫年七十餘

高平縣志

卷之十五

列女

十

增生崔偉峨妻程氏夫死親老子幼事姑生養死葬盡禮
訓子成立幾五十年邑人公舉

邵錫妻李氏年二十錫亡遺腹生子織衽自給教子成立
守節三十三年子孫有名庠序學使府縣匾旌

申發成妻師氏年二十五夫歿生子甫八月忍死養翁姑
育孤子三十餘年詳院給匾

生員龐嗣煜妻韓氏年二十六夫故撫遺子成立子死復
撫孫苦節五十餘年詳院待旌

生員張浹母連氏夫死子幼教育成名年登八十八公舉待
旌

童生連慎濟妻王氏姑死夫瘠母亡氏殮夫畢亦投繯自
盡年甫二十七一門三口三朝畢命聞者酸心公舉旌
表

申禹安母李氏性孝慈夫亡事姑盡道教三子撫婿姪得
克成立年逾七十勁節著稱縣令吳給匾旌獎

張肇萬妻常氏年二十三夫亡子幼氏養葬舅姑撫育幼
子苦節四十餘年縣令蔣給匾旌獎

李永法妻郭氏年十九夫卒忍死守貞養親教子年登八
十公舉請表

郭綸音繼妻緜氏年未三十夫死撫前子已子如一教習

高平縣志

卷之十五

列女

十一

入學年六十六卒公舉給匾

李海妻烈婦范氏通義里人海遠出姑命往王元家討穀
元誘閉之室中調姦不從用磚擊斃復割其首女往尋
母並害之事發奉文旌表王元抵罪

烈女張四姐魏庄東里人年十三母兄他往同院居人崇
起生起意調姦四姐哭罵出室鄰婦勸入母兄歸人爲
和辭隱息四姐羞忿不釋乘母他出自縊死奉文旌表
起生抵罪

烈女郭大則南張寨郭文忠女年十五往地摘瓜豆遇同
里張保全在野誘女至穀地即按欲強姦文不從保全

將鏹傷其頭頸去父覓負女以歸越二日死奉文旌表保
全抵罪

明月妻趙氏十九歲而寡子在幼妻亦趙氏二十三歲而
寡止一幼子姑媳同心矢志撫孤姑苦節六十餘載媳
亦守節四十年同年而卒

王欽妻李氏城西南里人年二十四夫亡奉侍翁姑撫育
幼子茹苦五十年年七十三卒

牛鑰妻閻氏米山西里人年二十三夫死遺子在襁褓氏
紡織延生撫養孤子成立年六十八卒給匾以旌

武生陳珣妻韓氏周纂人夫病割股啖夫夫歿紡績自給
高平縣志 卷之十五 列女 十三

守節撫孤未享大年而卒
生員常琰妻劉氏年二十七琰亡奉養翁姑撫育子女年
及七旬縣令甘給匾獎勵

陳錫遠妻張氏周纂人夫死殯畢卽闔戶自經家人救得
免氏以死自矢未數月嘔血死學使蔣旌其門

宗枋妻楊氏米山西里人年二十六枋故翁姑垂老遺孤
七歲氏仰事俯育艱苦脩養享年七十縣令甘給匾旌

其門
袁蔭召妻姬氏詩村人年二十三夫死無子女氏兩次自
縊家人救免勸其奉侍翁姑後姑死五日氏仍盡節死

新養蒙妻王氏許山人二十八歲夫亡遺子二歲族黨逼其改嫁氏嚴責之辛勤撫孤年六十三卒縣令吳給匾以旌

李萬錦妻姬氏裴泉里人年二十九夫故孝養老姑撫育二稚子皆名列庠序年六十六終學使德給匾旌揚

監生緜澍妻常氏二十九歲而孀苦節四十五載學使勵給匾旌獎

貢生緜朴妻閻氏年二十九夫亡苦節四十八年學使勵給匾以旌其女緜氏適馮涓十九歲而寡遺子未週矢志撫孤享年六十七學使夏給匾旌獎

高平縣志

卷之十五

列女

三

劉玥妻陳氏年二十二玥卒子女俱無矢以身殉家人防衛不果立嗣子未幾復亡復立嗣撫育若已出教之入學守節三十五年歿

生員郝斯源妻張氏年二十四夫死無子守節堅貞翁姑爲立嗣後嗣子亦死氏悲痛抑鬱而卒

馮四達妻王氏義庄里人年二十九而寡守節撫子子昌婚娶復死媳郭氏年二十八亦守節撫孤王氏享年七十郭八十一而終

監生楊邦佐妻李氏南廂西里人年二十八夫死奉姑撫子三十載年六旬學校公舉

田聰妻楊氏儒林坊人年二十一而寡撫養子孫年八十
四卒學使勸給匾旌表

張映奎妻郭氏中太里人夫亡自縊死儒學師曲立碑志
之

朱有文妻閔氏徘徊南里人年二十七夫死繼姪為子撫
育訓導四十餘年貞節日守儒學師張為立石

鄭文沼妻趙氏治平坊人年二十二而孀子女俱無氏清
操自勵五十四歲而亡

畢靈妻邵氏柳村里人年二十二夫歿翁姑年老忍死侍
奉繼姪為嗣翁姑死喪盡禮年七十九卒縣令朱給

高平縣志

卷之十五

列女

十四

匾以旌

監生楊上楨妻張氏年二十七夫故遺孤五歲抱痛矢志
撫孤入學年六十九卒

史子英妻楊氏釜山村人生員載言母子英雙瞽氏歸後
無怨言年二十四英逝子方五歲氏上事翁姑下撫幼
子胥盡其道年六十一卒

馮鼎衡妻張氏年二十四夫故矢志守節康熙二十四年
縣令劉給匾旌表

張氏女伯方村人幼許配牛氏子女年十九而牛氏子亡
女聞暗泣父母改字靳姓女誓曰願作牛氏鬼不為靳

氏婦親迎有日盛服投繯而死牛氏翁姑是夜夢女至其家

閻鉉妻李氏節義坊人年三十夫歿止遺一子甫四歲氏矢志苦守育兒衍嗣年六十三卒

庠生陳天錫妻王氏唐安人年二十八夫歿氏甘貧守志事孀姑撫二幼子俱入學校學使邵給匾旌獎壽八十二有二終

杜海吾妻郭氏劉庄里人年二十八夫亡苦節六十年年九十而終

鞏碧妻宋氏李村東里人年二十七夫歿勤儉教子守節

高平縣志

卷之十五

列女

五

四十四年年七十一卒

陳苾妻張氏米山鎮人年二十六夫亡無子事翁姑立嗣子勤儉持家享年七十有七學使勵給匾以旌

楊貢金妻張氏年二十七夫故翁姑老氏無子念死難塞責養葬二親苦節孤守年八十六卒

馮鏡妻李氏年未三十夫歿撫育子女後子媳繼亡遺孫九歲鞠育成立年七十七卒姪女李氏適畢中式年二

十九夫歿事翁姑撫幼子成立又姪女李氏適邵從起年二十二夫歿翁姑重老子女形單後俱病故繼嗣承

祀撫如已出嗣子年十四入泮而母已逝矣時相語曰

李氏之盧姪如其姑俱以節著焉

李爾顯妻劉氏年二十一夫歿撫繼子不啻所生守節三十
十八年年五十九卒

鄭君弼妻焦氏氏適鄭五載夫歿遺子甫二歲矢志事孀
一姑姑死投繯自盡縣令周給匾旌表

孫永祜妻馬氏年二十五祜歿于旅邸聞訃哀痛幾絕媿
一氏維護以子嗣之氏始忍死養翁姑撫嗣子孝慈交盡
一學使蘇給匾旌獎

楊光顯妻焦氏年二十三顯故繼姑馮性嚴氏奉事誠敬
一脩至撫孤成立清操六十載年八十四卒

高平縣志

卷之十五

列女

六

陳斌妻楊氏年二十餘夫故遺子二俱幼氏教育成立守
一節五十年壽踰八十縣令蔣給匾旌獎

明五典妻李氏草坊里人年二十夫故遺子未週氏以蠶
一桑爲命仰事翁姑俯育孤子年五十五歿學使景給匾
旌表

王魯妻張氏二十五而寡撫子入泮年六十五卒又魯弟
一王朴妻張氏年二十三朴亡撫孤守節年六十一卒一
門雙節鄉里稱之

生員陳景鐸妻焦氏年二十夫故子女俱無氏奉養翁姑
一撫育繼子年七十三而卒

常晴植妻王氏年二十九夫故遺一子年甫六歲矢志撫
一年老一而彌勁

焦美祿妻李氏年二十九夫故遺一子年甫六歲矢志撫
孤成立子復故遺妻張氏姑媳勤苦度日教育孤孫入
泮學使蔣給匾旌表

尙永壽妻邵氏嫁甫五月而夫歿氏投繯獲救免繼嗣承
祧撫如已出守身嚴密年五十四終

馮名世妻畢氏年二十九夫歿貞節自勵壽登八十六終
縣令吳給匾旌揚

李子馨妻王氏年二十九夫亡遺子十歲氏撫育成人苦
高平縣志

卷之十五

列女

七

節四十五年七十四卒

邢瓊妻楊氏年二十二夫亡苦節自矢六十五而終縣令
褒給匾旌獎

石瑄妻史氏南廂里人年二十二瑄亡奉翁姑撫孤子守
節五十七年壽八十六終學使呂給匾旌表

郝近仁妻趙氏年十九夫故遺腹生子氏事翁姑撫幼子
盡道縣令謝給匾旌獎年六十三終

武生朱聯舜妻畢氏年二十舜故子女俱無奉親孝謹撫
育繼子有方年五十一而亡

夫幹妻秦氏年二十二夫亡遺子三齡茹苦自甘養翁

姑撫孤子守節四十餘年年七十卒

申發貴妻邵氏年二十三貴亡遺二子俱幼氏矢志撫孤
享年六十五卒

馮永福妻張氏年三十夫亡遺子七歲氏苦志撫孤年踰
七十潔清自勵

李銘妻張氏年二十二銘亡無子氏投繯獲救免繼姪爲
嗣撫育辛勤苦節六十年學使蔣給匾旌表

庠生李美玉妻張氏年二十六夫亡遺子七歲氏上奉舅
姑下撫幼子年七十五卒縣令羅表其闕

孔文獻妻郭氏年十九夫亡遺子甫週孝養翁姑撫孤成

高平縣志

卷之十五

列女

十六

立縣令蔣給匾以旌壽登九十

田俊妻石氏年二十三夫亡遺二子俱幼家貧無倚翁姑
袁老氏茹苦侍奉撫二子成立年七十九卒

趙經妻張氏年二十二經亡遺二子俱在孩提家計蕭條
苦守撫孤長子復亡教育幼子成立縣令周給匾旌表
年八十四卒

李塔妻邵氏南廂里人年二十四夫亡遺子二齡翁姑
多病氏扶持奉養送終盡禮撫子延嗣年五十四卒

楊銀妻梁氏年二十八夫死翁老子幼家貧如洗氏勤紡
織以供朝夕年五十九卒

王光燦妻郭氏年二十九夫亡遺子九歲苦節撫孤年踰八十

邵世亨妻張氏年二十夫故無子貧苦度日奉侍翁姑繼姪爲嗣教育遊庠至老潔清年登七十九卒

監生秦潤妻土氏年三十夫亡遺子甫週氏零丁孤苦守節育後子娶媳趙氏未幾亦亡遺二子俱幼趙氏亦苦守子成立王年八十一趙年七十姑媳雙節鄉黨稱之賀忠顯妻郭氏年二十三夫故子甫三齡氏矢志撫育年七十六卒

李履忠妻張氏年二十九夫故遺子九歲氏奉翁姑盡孝

高平縣志

卷之十五

列女

九

撫幼子成立苦節五十餘年年踰八十卒

姬述誌妻崔氏年二十九夫亡氏守節撫孤年六十八卒
學使吳給匾旌表

增生趙建業妻楊氏年三十夫亡遺子穉弱零丁孤苦守節撫孤年八十五卒

常珮妻王氏年二十九夫亡子方七歲氏上事翁姑下撫幼子茹苦守貞年八十一學使吳給匾旌獎

應鐘妻張氏年二十九夫亡遺二子俱幼家貧親老氏紡績以給事翁姑撫幼子年踰七十人稱美之

段文龍妻李氏王報村人年二十八夫亡遺子甫十月茹

苦四十餘年撫孤成立學師張給匾獎之年七十二卒
湯映璋妻秦氏年二十九夫歿事翁姑撫幼子守節四十
餘年年踰八十卒學使賜給匾獎之

鞏謹妻秦氏李村人年二十八夫亡遺二子俱幼氏立志
守節撫子成人長子娶張氏復故遺二子張年二十八
奉姑撫子姑媳俱守節四十餘年

孫蘭妻畢氏年二十八蘭歿貧苦撫孤紡績自給年六十
八卒

郭承玉妻孫氏年二十五夫故家無餘資遺二子俱幼氏
辛勤守節年五十二而卒

高平縣志

卷之十五

列女

二十

程懷信妻趙氏年二十四夫亡遺子方二歲氏上事垂白
之姑下撫襁褓之子守節五十餘年年八十一卒

畢多脩妻張氏伯方村人年十九夫亡遺子四歲家計維
艱氏苦守四十年太守終給匾旌表

李財妻郭氏建寧里人年二十九夫故遺子幼弱氏事翁
姑撫幼子辛勤守節幾五十年所鄉地公舉

楊上體妻張氏年二十五夫故家貧氏矢守撫孤五十餘
年年七十六卒

袁麟妻袁氏年二十五夫故遺子甫週翁老家貧氏矢
志苦守年五十三卒

續文燦妻趙氏年二十八夫亡遺子七歲苦節撫孤年六十九卒

郭洪基妻李氏年二十五夫亡遺腹生子家貧氏上事孀姑下撫穉子十指經營苦節四十餘年年六十九卒

張旂妻李氏年二十旂故遺子襁褓氏上事翁姑下撫幼子克盡其道守節五十餘年年踰七十人皆稱之

李培標妻璩氏寺庄東里人年二十五夫亡遺子從仁六歲氏守節撫孤年八十四歲卒培標弟培賢妻馮氏年三十三妾邵氏年二十八賢亡遺子秉義尙在襁褓氏等艱辛撫育二子成室從仁秉義復相繼亡仁妻張氏

高平縣志

卷之十五

列女

三

年二十一義妻李氏年二十六止遺一子兩世遺孀茹苦守志張亡年六十二李亡年五十三

趙思聰妻田氏年十九夫歿請於舅氏立嗣撫愛如所生苦志三十年年四十八卒

張啟聖妻邵氏年二十七夫亡遺子女幼弱孤貧無倚有勸其改適者氏曰吾粗知大義豈肯以存亡易心撫言子女拮据婚嫁年六十三卒

朱耿卿妻楊氏年二十六夫故遺子八歲氏矢志守節撫孤年五十二而卒

賈士郭永儀妻宋氏年二十七夫亡遺子二俱幼氏辛勤

教子守節四十二年年六十八卒

李鏡妻李氏年二十七鏡亡遺三子氏寒苦自持事翁姑

撫孤子針指以資不足翁姑考終子復相繼俱逝竭力

營喪葬老而苦節年七十七終

李鴻儒妻縵氏年二十五夫歿遺子未週氏苦節撫孤年

五十七卒子士麟亦早亡妻張氏年二十九遺二子俱

在孩提氏教育成立守志四十餘年年七十五克效姑

節

郭銓妻張氏年二十四夫故遺一子家業蕭條苦節自勵

年五十六卒子列成均

高平縣志

卷之十五

列女

三

孫維淮妻車氏年二十一夫故遺腹生子家貧鍼指資生

奉老姑育幼子苦節盡道學使呂給匾旌獎年五十卒

李光榮妻王氏年二十九夫亡遺一子八歲氏撫養成立

娶妻生子夫婦復相繼逝遺孫士鈺娶張氏生一子二

歲鈺又亡二寡相依張氏紡績自勤以養王歿張亦隨

殞王年七十七張年五十餘

師錫藩妻王氏雙桂坊人年三十夫故遺子尚幼氏苦守

志節年七十八卒

生員郭煥荆妻申氏年二十九夫亡遺二子俱幼貧寒孤

苦氏矢志鞠育孀居三十五年六十五卒縣令黃及

庠生許汝研妻丁氏年十九夫故氏事翁姑盡孝俟夫弟成立繼姪爲嗣葬其夫畢一旦逝年止四十二

邵維雍妻陳氏東宅里人年二十夫故十指自給撫繼嗣如已出苦節逾四十年子食餼庠序

石灝妻李氏年二十灝故遺子二俱幼氏以撫孤自誓家貧饑寒不恤事姑孝謹撫二子成立歷三十七年如一日學使沈給匾以旌年六十六卒

生員郝廷鉉妻邵氏年十九夫故奉養孀姑撫育繼子家計蕭條備嘗艱苦年三十九亡

高平縣志

卷之十五

列女

三

縑龍光妻張氏年二十四夫歿無嗣氏矢志守節事翁姑盡婦道年四十七卒姪承嗣焉

邵貴珍妻馬氏永祿北里人年二十九夫歿於旅邸遺子甫過家貧乳乳獨立撫育弱孤娶妻生子年七十卒

李璵妻袁氏年二十三璵亡遺腹生子氏撫育恩勤靡懈苦守五十載子先亡哭之喪明年七十四卒

生員楊池妻郭氏年二十六池卒遺一子始孩家貧如洗氏矢節撫孤年七十九卒

李淮妻崔氏柳村里人年二十四淮故遺二子二女氏紡織助俚朝夕苦志以成孀年七十二卒子金鰲食廩

庠序

趙萬福妻王氏年三十夫故上無依倚下有孤子氏食貧茹苦撫子授室子又故媳改適撫二孤孫愈形艱苦年將七十垂老益窮

栗法妻馬氏年三十法亡遺子未週氏矢志堅守四十年如一日年七十八卒

王明德妻王氏年三十夫故遺兩子一女未幾長子及女復亡舅氏逼之改適氏剪髮自誓奉病姑撫弱子盡道孫曾入學年七十七卒

楊自起妻段氏寺庄東里人年三十夫故翁姑衰老二子

高平縣志

卷之十五

列女

三

幼弱氏菽水盡孝育子成人年逾七十人欽貞節

周慎公妻侯氏年二十七夫歿子君輔方二歲撫成婚娶後君輔亦歿妻邢氏年三十守節撫子侯年七十二卒邢年幾八十

常維翰妻趙氏招賢坊人年二十六夫亡翁姑垂老有女無子且姑性最嚴氏委曲孝養立嗣承祧撫如已出守節幾四十年鄉里欽之子名列成均

吳君佐妻邢氏魏庄西里人年二十四夫亡無子奉養翁姑繼姪爲嗣教育成立年將六十鄉里公舉

平宗禎妻畢氏詩午村人年二十四而寡遺二子俱幼紡

續延生教子成立年六十餘村隣敬其貞節

田思義妻安氏通義里人年二十七夫亡遺子二齡守節撫孤茹苦自甘子婚娶亦亡與媳賀氏撫幼孫拮据度日鄉里公舉

王德運妻張氏建寧鎮人年二十九夫亡弟德玉妻韓氏後亦雙亡遺子王楚氏撫養成人年踰六十許苦節彌貞

杜蕊妻王氏園池里人年二十三夫亡忍死奉翁姑撫養數月稚子成立婚娶生子未幾子亦亡與媳撫孤孫三十餘年鄉里公舉

高平縣志

卷之十五

列女

五

李朝印妻秦氏儒林坊人年二十八夫亡奉事老姑撫育幼子食貧茹苦年踰七十公舉志節

王臣妻車氏年二十一夫故遺子甫二歲家貧守志紡績資生四十年如一日

監生李安仁妾馬氏伯方村人年二十四夫死嫡亦亡獨遺一女氏欲自盡族人爲立嗣氏撫養如己出子女婚嫁守節三十餘年

周開文妻趙氏年二十四夫死奉孀姑喪葬盡禮教育二子長得遊庠三十餘年冰操愈潔

畢有銀妻王氏柳村里人年二十八夫故翁年衰遺子在

程祿家素貧氏養翁送死教子成立守節三十餘年鄉
里公舉

康子暹妻張氏草方里人年二十五夫亡苦守堅節年踰
八十老而彌健

田牧民妻武氏永祿村人年二十六夫故遺子甫週痛絕
復蘇盡心撫子四十餘年人傳苦節

牛子霞妻范氏伯方村人年二十四夫故上有翁姑與祖
子甫四歲養殮莫繼人勸其改適氏曰是禽獸也食貧
艱苦事老撫幼三十餘年始終如一

李作賓妻璩氏寺庄人年二十五夫故遺子二歲氏自繼

高平縣志

卷之十五

列女

三

救免軫念孤兒紡績自給垂四十年人欽其節

李而理妻牛氏米山北里人年二十七夫客歸死遺子二
俱幼氏拮据墓夫事姑撫子四十餘年年踰七十

李德金妻明氏年二十八夫亡無子事翁姑備極艱辛立
繼嗣撫如已出四十餘年紡績自給

郭存義妻史氏王報村人年二十夫死遺子甫週欲從夫
未遂茹苦侍翁姑撫幼子歷五十載節操凜然

李培英妻田氏年二十七夫故遺一子三女俱幼翁姑衰
老氏奉養鞠育竭盡心力後子媳三女俱不永年孀子
憐孫老節彌苦

常景捷妻馮氏瑁賢坊人年二十九夫故子女穉穉誓志
撫育奉侍翁姑養葬盡禮父母未殯貧苦之極勉葬祖
塋守節三十餘年鄉里公舉

李生福妻王氏年二十七夫故矢志奉姑遺腹生子仰事
俯育克盡孝慈苦節三十餘年鄉里公舉

庠生牛宗仁妻劉氏三十而寡遺二子守節撫孤成立三
十餘年宗黨欽之

邵從喜妻李氏年十九夫故欲身殉不飲食者三日念翁
姑無依繼嗣未立嗣穉襁子悉心撫育事親盡婦道三
十餘年人稱貞節

高平縣志

卷之十五

列女

五

李國相妻鄭氏年二十八夫亡遺子六齡氏衷心撫育三
十餘年鄉鄰共稱清節

王廷賓妻李氏年二十二夫故遺腹生子氏上奉翁姑下
撫幼子幾三十年苦節自甘

李增盛妻吳氏王降里人年二十八夫故子甫六齡辛勤
撫子苦節幾三十年子克成立

王雍妻李氏寺庄西里人夫歿氏年三十遺子六齡勉事
病姑藥餌必親曉夜不怠姑歿積痛成癆教子義方人
傳節孝

生員邵錫仁妻靳氏年二十三夫故痛不欲生勉撫子六

俗歷艱難奉養翁姑朝夕盡禮守節幾三十年子克次
泮

宋悅妻賈氏米山里人年二十三悅故遺子甫二齡翁姑
年老氏孝慈兼至守節幾四十年學使吳給匾旌獎

孝女程蘇氏平頭里人父德行病篤醫藥罔效女因截左
手第五指煎與父服後夢神示得女項肉可全愈女又
割左項肉以進病果愈鄉里公舉奇孝

王滌妻田氏年十八夫故止遺一女恐死奉翁姑撫繼子
艱辛倍嘗幾四十年人稱苦節

王培昇妻郭氏年二十四夫亡翁姑垂白遺子三齡養生

高平縣志

卷之十五

列女

五

送死寬育嚴教三十餘年學使曹給匾旌表

原大有妻暴氏年二十七夫歿無子氏約夫弟大豐生子
爲嗣既生弟婦難之氏亦不強復約次子又生仍難之
氏曰不以爾子嗣有死而已抽刀幾斷其喉遂立嗣爲
夫營葬刊石立碑預書合穴奉祀焉

馮泗宗妻畢氏年二十夫故無子繼姪爲嗣撫養不啻所
生潔清自守年踰八十縣令虞給匾褒獎

李宗禮妻王氏年二十夫亡子溥未週歲矢志撫孤未幾
舅亦卒家無餘資氏夙勉爲夫弟婚娶教子有方持家
整肅年五十卒

王士榮妻陳氏赤祥村人遺子甫避家貧舅姑老氏紡織度日事親撫子苦節四十年年踰六十鄉里稱之

馮兆麟妻王氏年二十八夫亡子生始彌月氏事翁姑撫幼子孝慈交至年踰七十霜節不渝

袁大財妻秦氏詩村人年二十夫亡遺子三齡氏守節事親撫孤成立子亡復撫幼孫年踰七十公舉待旌

秦薛儉妻李氏建寧里人年二十一夫故撫遺子二成婚次子早亡媳亦效姑守節李氏年踰七十矣

丁詔妻李氏結襦甫二載夫故無子氏奉事翁姑二十餘年不怠後繼嗣鞠育如已出年踰六十堅貞之至老而

高平縣志

卷之十五

列女

五

彌篤

常浦蒼繼妻趙氏招賢坊人年二十夫亡遺前子方五歲氏立志守節奉親撫孤子得遊庠氏年踰七十

生員李子建妻趙氏年十九夫歿撫繼子不啻己出守節五十年年踰七十

田濟民妻賈氏年二十夫故無子父母勸其改適氏焚香柩前刺指出血誓伯氏以子繼嗣教育得遊武庠苦節

四十餘年年踰六十

段如傳妻李氏年二十七夫亡子甫七歲苦無依倚悲傷撫子雙目失明子迄成立氏年踰七十矣

趙子敬妻張氏年二十四夫亡遺子二俱幼家計艱難茹苦撫孤年將七十節老愈堅

暴溫惠妻王氏年三十二夫故遺子始週翁老姑逃家貧誓守教子成立苦節近四十年

崔元泰妻張氏野川西里人年二十八夫故子八歲家貧無倚氏矢志守節茹苦三十五年年踰六十

楊佐財妻王氏年二十九喪夫子生甫三月氏事老姑盡孝撫孤子成立守節三十載隣里欽之

異中道妻王氏年二十四夫故遺子甫四歲家貧苦氏矢志守節撫子成立年近七旬勤儉以老

高平縣志

卷之十五

列女

三

王大雷妻宋氏永祿里人年十八夫故遺子甫週氏矢志從夫家人勸免事翁姑盡道撫孤子成立苦守三十年隣里欽頌

郭浹妻姬氏年十八適浹二十一夫歿生子尙在襁褓氏奉孀姑盡道撫孤子成立守節四十餘年年逾六十卒郭治田妻郭氏石嘴頭人年二十七而寡遺子三歲父欲奪其志氏曰姑老子幼依倚何人矢志苦守四十餘年年登七十

優生趙雨明妻申氏年二十三夫沒子甫三歲矢志撫成子復不祿氏甘守寡獨四十餘年年七十

賈重妻趙氏徘徊里人年二十六夫亡遺子襁褓氏撫
成婚娶子復亡媳秦氏年二十四繼姪爲嗣趙氏守節
四十九年秦氏亦守三十年又其弟實好妻李氏年二
十七而寡子甫三閱月撫養成婚子亦沒媳郭氏年二
十一遺子未週氏守節撫育李氏守四十七年郭氏亦
三十二載一門四節里黨稱奇

張鐸繼妻韓氏年二十夫故矢志守節事翁姑盡孝撫前
子成立三十年人無間言

李中和妻安氏年二十九夫歿守節撫孤四十餘年縣令
沈褒美

高平縣志

卷之十五

列女

三

王林妻袁氏年二十九夫故子甫週歲翁衰老氏立志撫
孤事親嫂氏遺子女並撫之年將六十老節彌健

馮學禮妻李氏年二十九夫故遺子二俱幼家素貧氏苦
守撫孤年將七十子克成立

張士魁妻李氏康營村人年二十四夫亡生子甫五閱月
氏忍死奉翁姑撫弱子茶節自甘三十餘年年將六十
王金璽妻張氏柏枝庄人年十九夫亡遺腹生子家計寒
薄茹苦撫育爲子婚娶復亡年逾七十矻矻獨守

楊聿溥妻郭氏年十九子歸三月而寡氏守節不逾五十
餘年繼子攀桂娶郭氏桂死氏亦守節焉

陳源繼妻袁氏年二十二夫故遺前子甫三歲氏撫如已
出苦節四十餘年年逾六十子復故惟媳存焉

畢得紳妻唐氏詩午村人年十九夫故遺子襁褓氏矢志
撫育守節六十餘年年八十一又其孫中彬妻李氏年
二十三夫歿撫遺子事翁姑年逾六十人稱賢孝

張鳳乾妻常氏年二十七夫亡遺子九齡氏苦志撫孤幾
三十年子復故撫孤孫艱難拮据年逾七十鄉里公舉
郭錦妻魏氏年二十一夫故遺腹生子氏苦節撫孤五十
餘年年逾七十

郭伏龍妻申氏年二十九夫歿氏上奉垂白翁姑下撫孤

高平縣志

卷之十五 列女

三

歲孤子考終成立年逾五十鄉黨重之

王佩妻張氏陳庄里人年二十四佩亡遺子五齡氏矢志
撫成中年子復亡氏始終不變其節年逾七十身老而
健

王若陶妻王氏原村里人年二十三夫亡遺子襁褓矢志
守節年逾七十子復亡氏霜操獨守

趙魯瞻妻李氏年二十九夫故姑老子幼氏矢志守節淡
薄自甘年逾六十子克成立

賈致中妻劉氏年二十夫故氏孝養翁姑矢志守節撫繼
子如已出家貧勤女紅自給孀居五十載年逾七十閭

里欽之

賈淇妻邢氏年二十七而寡事親盡孝教子成立學使呂給匾以旌年幾七十子宗桂廩生

邊關妻李氏年二十八夫故貧難度日有勸其改適者氏斥之遺二子教育成人守節三十載年幾六十

楊榮妻崔氏寺庄人年三十二夫故遺子三氏痛絕復蘇事翁姑撫孤子家貧紡績以給年五十餘人稱苦節

孫發起妻王氏年三十一夫故子幼家貧零丁孤寡撫育成立年逾五十鄉地舉之

武生尙玉珠妻李氏年三十三夫亡遺子二氏勵志撫孤

高平縣志

卷之十五

列女

三

年逾六十克守志節

景德妻王氏年三十一夫故遺三子氏立志守節撫子成立年幾八十稱貞婦焉

新禮妻李氏國池南里人年二十三夫亡閱五月遺腹生子氏殷勤教養苦節四十五年將七十子克成立

趙繼周妻常氏年二十二夫亡子增甫七月氏孝事繼姑撫弱息成立中年增復亡督諸孫舉四世喪支持門戶四十餘年內外靜潔鄉里稱之

趙修妾林氏修納自揚州偕至家生子皆殤年二十八修亡氏求族子爲嗣既而娶復死又乞遠族子立嗣族有

無賴欺凌百端氏介然不易其操晚益貧寒卒無怨言
按士君子讀詩書明義理遇忠孝節義之事莫不慨
然思效之女婦生於閨闈非巨家大族亦奚知禮義
內則之篇詩咏柏舟之節故甘心齋日屬饜糟糠守
不二之操盡未亡之職歌興寡鵠德嬈丸熊鄉曲窮
檐尤爲難矣舊志所載暨鄉地所舉胥綜錄焉孝女
烈婦統繫守貞不另條列年例或有未符而養親撫
孤含辛白首者亦附識之有善必彰所以風也